

bráðabirgðaákvæði um akstur og umferð á Hafnarfjarðarvegi (Reykjanesbraut) frá bæjarmörkum Reykjavíkur og Kópavogs að mótum Hlíðarvegar, og á Vogatungu—Dalbrekku frá Nýbýlavegi að tengingu Vogatungu við Hafnarfjarðarveg svo og tengigötu milli Hafnarfjarðarvegar og Vogatungu—Dalbrekku á mótis við Auðbrekku. Bráðabirgðaákvæði þessi verða ekki auglýst hverju sinni, heldur birt með umferðarmerkjum og umferðarstjórn samkvæmt 1. mgr. 65. gr. laga 40/1968.

Öll gildandi ákvæði um stöðvunarskyldu, biðskyldu, bann við stöðvun og stöðu ökutækja og bann við framúrakstri á götum þessum haldast þrátt fyrir væntanleg bráðabirgðaákvæði um umferð samkvæmt auglýsingu þessari, þó með þeirri undantekningu að bann við framúrakstri gildir ekki á þeim hlutum ofangreindra gatna, sem einstefnuakstur verður ákveðinn á á framangreindu tímabili 1. júlí til 31. október 1969.

Bæjarfógetinn í Kópavogi, 27. júní 1969.

Sigurgeir Jónsson.

22. september 1969.

Nr. 178.

AUGLÝSING

um almannaskráningu við flutninga milli Íslands og annarra Norðurlanda.

1. gr.

Ákvæði þessarar auglýsingar taka til þeirra, sem flytja til Íslands frá Danmörku, Finnlandi, Noregi eða Svíþjóð, eða frá Íslandi til einhvers þessara landa, og gilda þau jafnt um útlendinga sem Íslendinga.

Ákvæði þessarar auglýsingar taka ekki til þeirra, sem flytja milli Íslands annars vegar og Færeyja eða Grænlands hins vegar.

2. gr.

„Hlutaðeigandi skráningaryfirvald“ í þessari auglýsingu er:

Í Danmörku skráningarstofa viðkomandi sveitarstjórnar,

Í Finnlandi sá aðili, sem færir viðkomandi almannaskrá (kirkjubækur, borgarskrá og félagsmannaskrár sértrúarflokka).

Í Noregi forstöðumaður viðkomandi skráningarstofu.

Í Svíþjóð viðkomandi prestur.

3. gr.

Við ákvarðanir um, hvort einstaklingur skuli teljast búsettur í landi, sem hann flytur til, eða ekki, skal fylgja lögum þess lands.

4. gr.

Sá, sem flytur til Íslands frá einhverju hinna Norðurlandanna, skal innan 7 daga afhenda viðkomandi sveitarstjórn (í Reykjavík Manntalsskrifstofu) samnorrænt flutningsvottorð (internordisk flyttestfest), gefið út af hlutaðeigandi skráningaryfirvaldi í brottflutningslandinu, og fylgi vottorðinu útfyllt eyðublað undir samnorræna flutningsboðun (internordisk flyttestbevis).

Sveitarstjórn framsendir Þjóðskránni jafnóðum gögn þau, er um ræðir í fyrri málsg. þessarar gr., og tekur hin síðar nefnda ákvörðun um skráningu, sbr. 3. gr. Telji Þjóðskráin, að um skráningarskyldan flutning sé að ræða, gefur hún út flutningsboðun á eyðublaði því, sem fylgir vottorðinu, og sendir hana hlutaðeigandi

skráningaryfirvaldi í brottflutningslandinu. Sé hins vegar ekki um að ræða skráningarskyldan flutning að dómi Þjóðskrárinnar, ritar hún athugasemd þar um á flutningsvottorðið og tilheyrandi eyðublaði undir flutningsboðun. Vottorðið endursendist þeim, sem afhenti það, en eyðublaðið undir flutningsboðun sendist því skráningaryfirvaldi, sem gaf vottorðið út.

5. gr.

Nú hefur einstaklingur, sem flytur til Íslands, ekki í höndum gögn þau, er um ræðir í fyrri málsgr. 4. gr., og skal þá viðkomandi sveitarstjórn senda Þjóðskránni án tafar aðseturstilkynningu hans, með áritun um, að tilskilin flutningsgögn vanti. Enn fremur skal taka þar fram, hvort hlutaðeigandi hefur tekizt á hendur að afla þessara gagna frá brottflutningslandinu, eða hann óskar, að Þjóðskráin geri það. Skal hún verða við slíkri ósk. Þjóðskráin aflar og þessara gagna frá brottflutningslandi fyrir hvern þann einstakling, sem vanrækt hefur að tilkynna flutning til landsins.

6. gr.

Sá, sem áformar að flytja til einhvers hinna Norðurlandanna, skal, áður en hann fer, fá gefið út samnorraent flutningsvottorð, með tilheyrandi útfylltu eyðublaði undir samnorraena flutningsboðun. Sé sá, sem flytur, á almannaskrá í Reykjavík, fær hann þessi gögn í Manntalsskrifstofu Reykjavíkur, en ella hjá Þjóðskránni í Hagstofu Íslands. Auk þess geta aðilar fengið þessi gögn hjá lögreglustjóranum á Keflavíkurflugvelli og hjá sveitarstjórnunum á öðrum stöðum, þaðan sem útlendingum er heimil för úr landi frá (sbr. auglýsingu dómsmálaráðuneytisins nr. 203/1965).

Aðili, sem gefur út gögn þau, er um ræðir í 1. málsgr. þessarar gr., gerir það í umboði Þjóðskrárinnar, og skal hann senda henni jafnóðum samrit af öllum útgefnum flutningsvottorðum.

Nú hefur einstaklingur flutt úr landi, án þess að fá flutningsvottorð, og gefur Þjóðskráin þá út vottorð með tilheyrandi eyðublaði undir flutningsboðun, hvort heldur er eftir ósk þess, sem flytur, eða eftir ósk hlutaðeigandi skráningaryfirvalds í því landi, sem flutt er til.

7. gr.

Brottflytningur frá Íslandi til einhvers Norðurlandanna skal ekki færður á almannaskrá fyrr en Þjóðskráin hefur mótttekið samnorraena flutningsboðun um hann frá hlutaðeigandi skráningaryfirvaldi. Sá, sem flytur, skal skráður sem brottfluttur þann dag, sem hann er skráður innfluttur samkvæmt flutningsboðun um hann.

8. gr.

Hafi Þjóðskráin ekki mótttekið flutningsboðun tveimur mánuðum eftir að samnorraent flutningsvottorð var gefið út, sendir hún skráningaryfirvaldi í því landi, sem flutt er til, fyrirspurn um málið.

Sé ástæða til að ætla, að einstaklingur á almannaskrá hér á landi hafi flutt til einhvers hinna Norðurlandanna, án þess að tilkynningarskyldu hafi verið fullnægt, tilkynnir Þjóðskráin þetta hlutaðeigandi skráningaryfirvaldi í því landi, sem flutt er til.

9. gr.

Hver sá, sem afhendir flutningsvottorð ásamt tilheyrandi eyðublaði undir flutningsboðun (sbr. fyrri málsgr. 4. gr.) telst með því hafa fullnægt tilkynningarskyldu samkvæmt lögum nr. 73/1952 með síðari breytingum, enda eigi afhendingin sér stað innan 7 daga frá komu til landsins.

Hver sá, sem fær út gefið flutningsvottorð áður en hann fer úr landi (sbr. 1. málsg. 6. gr.), skal undirrita samrit þess (sbr. 2. málsg. 6. gr.), og telst hann með því hafa fullnægt tilkynningarskyldu samkvæmt lögum nr. 73/1952 með síðari breytingum.

10. gr.

Ákvæði auglýsingar þessarar skulu koma til framkvæmda 1. október 1969.

Þessi auglýsing er gefin út til framkvæmdar á samningi milli Norðurlanda um almennaskráningu er undirritaður var 5. desember 1968 og tekur gildi 1. október 1969. — Ákvæðin í fyrri málsg. 4. gr. og í 1. málsg. 6. gr., um skyldu manna til að afhenda eða fá út gefið samnorrænt flutningsvottorð, eru sett samkvæmt heimild í 2. gr. laga nr. 16/1963, um breyting á lögum nr. 73/1952, um tilkynningar aðseturskipta.

Fjármálaráðherrann, 22. september 1969.

Magnús Jónsson.

Klemens Tryggvason.

15. september 1969.

Nr. 179.

AUGLÝSING

um breyting á gjaldskrá fyrir dýralækna, nr. 112 12. júlí 1966.

Grunngjöld samkvæmt ákvæðum gjaldskrár fyrir dýralækna nr. 112/1966, skulu innheimt með 10% álagi.

Gjaldskrárbreyting þessi er gerð samkvæmt lögum nr. 124 22. desember 1947, um dýralækna, og öðlast þegar gildi.

Landbúnaðarráðuneytið, 15. september 1969.

Ingólfur Jónsson.

Þorv. K. Þorsteinsson.

15. september 1969.

Nr. 180.

AUGLÝSING

**um breyting á auglýsingu nr. 91 8. apríl 1968
um lækkun gjalda af skrifstofuvélum.**

Ráðuneytið hefur ákveðið, skv. heimild í 51. tl. 3. gr. laga nr. 3 26. febrúar 1969 um tollskrá o. fl., að láta nú þegar koma til framkvæmda gjaldalækkun á skýrsluvélum og hliðstæðum vélum, sem starfræktar eru með gatspjöldum og sem teljast til nr. 84.53.00 í tollskrá, þannig að eftirleiðis verða gjöld af vélum þessum 35%.

Ákvæði auglýsingar nr. 91 8. apríl 1968 halda að öðru leyti gildi sínu.

Fjármálaráðuneytið, 15. september 1969.

F. h. r.

Jón Sigurðsson.

Björn Hermannsson.